

HR-Ineriartortitsivimmi Siunnersorti imaluunniit allaffimmi Fuldmægtigi

HR-Ineriartortitsivimmi siunnersorti imaluunniit allaffimmi fuldmægtigi - aaqqissuussat, allaffissorneq ilinniartunillu ataqatigiissaarineq

Aaqqissuussaasumik sulisinnaavit, qarasaasialerinermit pikkorippit aamma allaffissorneq aaqqissuussallu assigiinngitsut iluatsittumik ingerlassinnaavigit? Namminersorlutik Oqartussani inuttassarsiornermi aaqqissuussat aamma pikkorissaanerit ilinniartullu ataqatigiissaarnissaat suliarerusuppigit? Taamaappat atorfissaqartitarput immaqa illiuvog.

HR-Ineriartortitsivik (HRU) Naalakkersuisut Siulittaasuata Naalakkersuisoqarfianiittoq allaffissornikkut immikkoortorta qarfitsinni siunnersortissarsiorpoq imaluunniit allaffimmi fuldmægtigissarsiorpoq.

HR-Ineriartortitsivimmi ulluinnarni ingerlatsinermit qitiusumik inissisimassaait, allaffissornikkut aaqqissuussavut suleriaatsivullu immikkut akisussaaffigalugit. Ilaatigut inuttassarsiornermi aaqqissuussaq Empty, pikkorissaanernik allaffissornikkut aqutsineq, F2 kiisalu ilinniartulerinermit ataqatigiissaarineq suliarisassavatit.

Aaqqissuussaasumik sulinermit malitseqartitsinermillu nuannarisalimmik, allaffissornikkut suleriaatsinik assigiinngitsunik isumaginnissinnaasumik kiisalu ulluinnarni sukujut ataqatigiissarnissaat ingerlanissaallu qulakkeerinnissinnaasumik suleqatissarsiorpugut.

HR-imi aaqqissuussat allaffissornerlu

Suliasait amerlanerit allaffissornermit aammalu HRU-mi aaqqissuussat atororissaarutillu digitaliusut ingerlannissaannut tunngassapput. Ilaatigut Empty-mik aqutsineq akisussaaffigissavat, aamma inuttassarsiornerit, akuersitsinermit suleriaatsit, atuisunik aqutsineq, supportilerineq, ajortoqartillugu nalunaarneq kiisalu paasissutissat pitsaassusaasa qulakkeerneqarnissai suliarisassavatit.

Pikkorissaanerit, ilinniartitsineq ilinniartullu

Pikkorissaanerit ilinniarnermi nittartakkat suliaatsinnut atatillugu allaffissornikkut ataqatigiissarinermit qitiusumik inissisimassaait. Tamatumani ilaatigut pikkorissaanernik allaffissornikkut aqutsineq, peqataanissamut nalunaarnerit, ilinniarnermi nittartakkat aammalu tigussaasumik ataqatigiissaarineq ilaapput.

Tamatuma saniatigut ilinniartunut tunngasunik ataqatigiissarinermit akisussaasuussaait, taamaattumillu ilinniartunut, suliffeqarfinnut suleqatigineqartartunullu attaveqartassallutit.

Ataqatigiissaarineq ataatsimoorussamillu allaffissorneq

HRU-mi allatigut allaffissornikkut suliaqarnermi aaqqissugaaneq ataqatigiinnerlu aamma qulakkeernissaat suleqataaffigissassavatit. Tamakku ilaatigut tassaasinnaapput nalunaarsuineq F2-milu sulianik aqutsineq, ataatsimoorullugu allagarsisarfinnik isumaginnineq, nalilersuinissamut ataatsimiititaliat allaffissornikkut ikorfartorneqarneri kiisalu ilinniartitaanermit suliaqarnermi, ilinniakkanik suliffissanillu nittarsaassinerni assigisaanilu ataqatigiissaarineq.

Tamatuma saniatigut ilitsersuutit suleriaatsillu ineriartortinneqarnissaat iluarsarnissaallu peqataaffigissavatit, aamma allaffissornikkut suleriaatsit paasiuminartuunissaanut, assigiiaarnissaanut ingerlalluarnissaanullu tapertaaqataassallutit.

Aaqqissuussaativut suleriaatsivullu ingerlaavartumik allanngorartarput. Taamaammat aaqqissuussat tamaasa ilisimareernissaat pingaarnerpaajunngilaq, taamaattorli digitalimik sulinnikkut piginnaasaqarluarnissat, aaqqissugaasumik sulisinnaanissat kiisalu aaqqissuussanut suleriaatsinullu nutaanut pulapallassinnaanissat pingaarnerpaavoq.

Naatsorsuutigaarput:

Allaffissornermut tunngasumik ilinniagaqarsimassasutit, ajornanngippallu allaffissorneq, aaqqissuussat ataqatigiissaarinerlu atorfeqarnikkut misilittagaqarfigisimagukkit pitsaaqutaassaaq.

Digitalimik suliaqarnermi piginnaasaqarluarnissat, alapernaatsuunissat aammalu aaqqissuussanut suleriaatsinullu nutaanut pulapallassinnaanissat pingaarnerpaajuvoq. Namminersorlutik Oqartussat iluani suleriaatsit pillugit ilisimasaqaruit annertuumik iluaqutaassaaq.

Immikkutpngaartipparput illit:

- aaqqissuussaasumik sulisassasutit, akisussaaffimmik tiguisassasasutit suliasatillu naammassinissaata tungaanut suliarisassagitit
 - tamakkiisumik isiginnissinnaassasutit aammalu suliasat killissarititallu assigiinngitsut ataatsikkut isumagisinnaassagitit
 - sullissiumatuujussasutit aammalu suleqatit suleqatigineqartartullu ersarissumik suliamillu aallaavilimmik attaveqatigiissinnaassasutit
 - namminersorlutit sulisinnaassasutit taamaattorli aamma allanik suleqateqarnermik ataqatigiissaarinermillu nuannarisaqassasutit
 - suleriaatsit allaffissornermilu suliat qanoq pisariillisarneqarsinnaanersut sunnuteqarluarnerulersinneqarsinnaanersullu pillugit pikkoriffeqassasutit
- HR-imi allaffissornermi, inuttassarsiornermi, pikkorissaanernik aqutsinermi aamma ilinniartunik ataqatigiissaarinermi misilittagaqarneq iluaqutaassaaq piumasaqaataanili. Kalaallisut danskisullu akunnattuunngitsumik oqalussinnaaneq qinnuteqartup atorfinitsitaanissaanut piumasaqaataavoq.

HR-Ineriartortitsivik pillugu

HR-Ineriartortitsivik Naalakkersuisut Siulittaasuata Naalakkersuisoqarfianut ilaavoq, Namminersorlutillu Oqartussat akimorlugit sullissisarluni.

HR-Ineriartortitsivik assigiinngitsunik suliaqartartunik sulisoqarpoq. Sulisut ilaat pingaarnertut ineriartortitsinermik, ikorfartuinermik aqutsisunillu siunersueqatigiinnermik suliaqartarput, allallu aaqqissuussanik, allaffissornermik ataqatigiissaarinermillu suliaqartarlutik. Suliffeqarfiup ikorfartornissaa aamma Kalaallit Nunaanni Namminersorlutik Oqartussat ineriartortinnissaannut peqataaneq ataatsimoorussutigaarput.

HR-Ineriartortitsivimmi suleriaatsit akisussaaffiillu ersarinnerusut pilersinniarlugit aaqqissuussanillu ikorfartuineq annertusiniarlugu sulivugut. Immikkoortorta qarfimmillu ulluinnarni ingerlatsinerup qulakkeernissaanut peqataassaatit aammalu allaffissornikkut suleriaatsivut qanoq aaqqissornissaannut pitsanngorsarnissaanullu tapertaasinnaassallutit.

Neqeroorutigaavut

Atorfik tamatigoortoq Namminersorlutik Oqartussani immikkoortorta qarfippassuarnut attaveqarfiusoq aammalu qitiusumi allaffissornikkut tunngasunik namminersortumik akisussaaffeqartoq.

Suliffeqarfimmut suliatigut assigiinngitsunik piginnaasalimmut peqataaneq ulluinnarnilu ingerlatsinermut suliasat nalinginnaasut suliarinerisa saniatigut nutaanik aaqqiissutissarsiornermi peqataassaatit.

Suleqatigiinneq, akisussaassuseqarneq immikkullu pikkoriffigisavut atorluarnerisigut tamatta iluatsitsinissamut ikioqatigiinnissarput pingaartipparput.

Periutsit, aaqqissugaaneq ataqatigiissaarinerlu nuannarigukkit - peqatigisaanillu HR-imik tunngasunik suliaqarnissaaq, tassa sulineq inunnik suliffeqarfimmillu ineriartortitsinermik imalik, pissanganarsorigukkit - imaassinnaavoq illiffaarik ujartoritsigit.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatus siunnersortaanertuunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.

E-mail-ikkut qinnuteqaatinik tigusineq ajorpugut.